



樂善堂全集卷二十二

古體詩

有鳥二十章

孔子教小子曰詩可以興又曰多識於
鳥獸草木之名鳥獸草木中觸吾性情
有興機焉若徒追琢字句強裁聲韻烏
可與言詩哉唐元微之作有鳥二十章

備載鴟鴞老鳥諸惡鳥之可憎雖疾世
之憤辭然不失三百詩人之旨余讀而
慕之倣其體亦成二十章所詠者皆鳳
皇鷓鴣諸名禽微之以刺而示戒余以
美而示勸其有助於性情一也至於風
格之高錘鍊之雅余固未能及古人觀
者取其意而略其辭焉

有鳥有鳥百鳥王雄爲鳳兮雌爲皇朝棲崑圃
飲玉露夕宿蓬島餐琳瑯九苞六德耀文明恢
恢天宇恣翱翔厥惟聖人修至德來巢阿閣呈
嘉祥藹藹吉士馳王路千秋萬載邦家光
有鳥有鳥名朱鷺波靜昆明常顧步漢鼓曾標
樂府聲周舞亦載詩人賦振振有序羽翮聯和
鳴未許雜孤鷺玉筍班中識爾名由來博得人

人慕

有鳥有鳥雙鴛鴦接翼交頸遊方塘共宿蘭沼
何容與同飛鏡浦相廻翔若有人兮翠袖裳思
夫君兮天一方春朝步兮春池旁覩佳禽兮增
慨慷

有鳥有鳥在水滸飛鳴行搖如相語如相語相
急難相急難兮食不安遠羅網兮泛清瀾啄蘆

頭兮心共閒君不見悌有鵲鳩孝有鳥人稟秀
靈如不如

有鳥有鳥聲緝蠻遷喬求友出谷問楚楚金衣
綠陰裏諧鳴玉管叫春闌高齋日午簾幙悄側
耳徐聽音未了生平不少素心人關山迢遞予
懷渺

有鳥有鳥曰靈鵲羽族本天似先覺但不告憂

樂書卷之三
惟告樂惠迪則吉宜村度憑茲作喜易舛錯鳥
智人愚非見謔

有鳥有鳥名布穀高喚枝頭村柳綠村老聞聲
急荷鋤趁時耕作還相勗東隣西舍催耕遍喉
吻苦乾飲水曲不似籠中雙畫眉巧言但博主
人肉

有鳥有鳥枝上啼啼聲風送到深閨聲聲催織

當春日織女聽罷顰雙眉飽蠶方作繭那易成
新絲新絲還要賣匹帛安可期我願拖綾曳錦
者常念茹簷忍凍時

有鳥有鳥如輕舟毛衣皓潔名沙鷗穩宿洞庭
秋夜月閒泛瀟湘煙水流將雛命侶頗自得對
爾還似逍遙遊

有鳥有鳥名鴻雁秋去春來期不變成羣飲宿

樂善堂集 卷三
向沙洲蘆葦蕭騷波瀲灩古人重爾信義敦嘉
禮親迎用致奠如何世人轉不如糟糠富貴分
欣厭

有鳥有鳥雉將雛雛兒聲澁學母呼墮上風搖
麥浪綠引雛拾蟲却相逐大堤年少挾金丸見
雉此意不肯彈彈雉雛兒誰爲哺彈雛却憐雉
心寒收弓擲丸不復看

有鳥有鳥慈烏鴉飛集庭樹聲啞啞聲啞啞引
其雛羽毛翩翩尾畢逋尾畢逋雛亦長烏老更
借其雛養母爲慈兮子爲孝禽鳥亦識人之道
有鳥有鳥清秋隼獨韻金風利爪吻勁氣猙獰
似駿驄眼疾身輕雙翅敏晴臯一下萬山青狐
兔燕雀藏伏盡

有鳥有鳥名黃鵠軒軒霞舉超凡俗矯翩翩躔

來玉京却向太液池邊浴隨仙去後空餘樓入
琴彈罷猶思曲冥冥灑氣恣翱翔引我欲窮千
里目

有鳥有鳥雲錦文巴山靈禽夙所聞的的彩色
映日麗煌煌繪羽翻風新奇姿藻耀欺凡鳥雕
籠飲啄爲君老却勝埒頭村雞鳴瘦立風霜報
天曉

有鳥有鳥呈符瑞援毫作歌紀其事伊昔明皇
卽位初貝州飛蝗害苗穗乃有白鳥凡數千一
一喙啄蝗盡斃當時姚宋作相公調和燮理稱
郅治開元天寶易治亂玉妃擅寵昭陽殿祿山
食人如食禾嗟此蝗兮可若何安得白鳥大如
蓋食此蝗兮安內外

有鳥有鳥志不移啣石填海無已時海却何時

滿石亦何時斷但見羽毛禿兀爪喙疲咄哉汝
鳥尚有志人而無志鳥所嗤

有鳥有鳥雙白鷗清秋玉立菰蒲灘踏波緩舞
藻文動澄流照影翩翩珊珊性情高潔如其色自
首至尾無點黑俗眼欲看看不得

有鳥有鳥金翠斑厥名孔雀產巴山產巴山來
帝里屏張藻耀文明起羽儀爲國獻嘉祥不甘

戢翼巖阿裏

有鳥有鳥雲間鶴萬年枝上欣所託勁羽梳風
意態孤清聲韻月響深壑常伴仙家丹鼎煙不
慮虞人施矰繳有時灑翮一高飛迢迢天路翔
寥廓

采松花

綠蘚遍松陰松花帖蘚落嫩黃映深碧清香入

簾箔我持碧筠筐采采盈筐著服食為清心非
欲驂元鶴

新漲

雨餘眇蘭沼泛瀲新波漲碧沚蹙羅紋紅荷搖
翠浪新浴鷗鷺羣沙嶼遙相望我欲置扁舟鼓
柁空明上

讀蘇子瞻題司馬君實獨樂園詩即用原

韻

挿架萬卷書隨手自拈下披覽結遐心似遊霄
霓野當時獨樂園温公開樽學清吟薄雲天曠
談述虞夏洛中九老人來往涉風雅事同東山
遊跡非白蓮社東坡生花筆自是天假者題詩
盤硬語曲高和者寡獨樂悅性情眾樂看陶冶
惟公入朝時衛卒擁其馬惟公入園時一切浮

樂善堂集 卷三 七
榮捨蕭然物外遊不似歌渥赭猗歟匡濟才閒
情寄嘔啞

初日芙蓉

初旭曜扶桑眠起步蘭沼彩光映水紅澹澹荷
香曉舒華濯清漣葉捲芳心小凝露尚成珠風
蓋擎旋繞靜觀旦氣清意結雲霞表

觀刈麥

麥苗入夏結穗黃東隴西隴碩且長老農此日
走田忙腰鎌遍割樂歲穰笑看黃雲各成片密
莖隨手行行亂肩挑背負晒檐頭饘粥有餘他
不羨呼兒莫逐飛來雀令渠亦識收成樂

雨後聽溪聲

流雲猶在青天上霽景澄鮮風蕩漾因風泛起
是何聲但見溪頭新水漲溪流宛轉繞芳堤采

采蒹葭覆水齊宿潤全滋菡萏色新晴不斷鷓
鴒啼鷓鴒啼處煙波繞直瀉流泉鳴未了泱泱
長疑珮響搖潺潺低咽琴聲悄耳根塵雜苦匄
轟入聽從教洗滌清我非智者亦樂水幽情逸
韵相交并幾度臨流閒徙倚風力漸停溪漲止
莫謂溪聲斷續殊動靜循環理若此

熱

連朝祝融氣正作碧落無風雲脚破揮扇招涼
涼不來匡牀暑熾誰能臥我思上蒼運四時祁
寒暑雨原相佐冷暖由來有定期怨咨自是人
心過平情可得避暑方深屋下簾獨靜坐

讀書樂

周孔未云遠典籍良具陳深造乃有得面墻終
自淪伊余本下學敢忘書史親轉念學海濶未

易窺涯津汲古乏修綆貽誚腹笥貧昌黎讀書
篇字字堪書紳况復饒至味好與結芳隣樂意
寓靜觀優游期日新

秋蘭

崇蘭泛清飈婆娑翠帶長采采欲誰贈徘徊步
中堂露彩含莖潤日華映葢黃蜂蝶不知采古
澹含幽光我持金剪刀更攜綠筠筐非爲纫芳

佩愛此王者香

投壺

秋風動簾幕曉陰忽開晴中堂聚嘉客投壺怡
我情一中詎云巧三辭禮亦成勝負不相角新
詩還共賡餘韻雜疎籟入耳聲琤琤

著簪吟

韓詩外傳載孔子遊少源之野有婦人

中澤而泣使弟子問焉曰鄉者刈著薪
亡吾著簪弟子曰刈著薪而亡著簪何
悲焉曰非傷亡簪也蓋不忘故也余讀
而有感焉作著簪吟

憶昔妾簪著結褵事夫君和鳴如鼓瑟自卜將
終身妾失著簪日乃在彼中澤良人天一方誰
能覓其迹妾泣亡簪非泣簪可憐郎心異妾心

君不見新衣稱體舊衣捨世間誰泣亡簪者

擬杜工部東隣棗樹歌

春光晼晚春風斜東隣棗樹方開花大火西流
屆秋日東隣棗樹紛結實開花結實年年好催
得東隣人欲老兒童不解惜流光但愛秋來飽
吃棗西隣有客常著書閉戶不出一月餘東隣
棗亦覺少否不似王吉誇出婦

鬪蟋蟀

百草收芳秋瑟瑟烏衣王孫應候出兒童不解
秋聲淒延入高堂甕爲室甕爲室甕爲城厲鋒
養銳期相爭甘芻好飲供其腹豪氣凌秋喙爪
速是時晶陽照華屋兩童角勝誰輸服乘閒偶
作壁上觀沙場不見戈戟攢當前勇力先手搏
怒氣奮張敵膽寒濶額脩腰振兩翼牙排利鋸

目如墨羽林十二漢家郎蟲達功高居第一軒
髻仰面試長鳴臨敵拏攫如鷲英草間竊伏堪
鄙笑陣前持重功方成功破敵立不動應機
變化多操縱黃髭鮮卑見股栗獨身跳免呼伯
仲燕然峰上勒勲功螭螭塞外靖邊烽定州花
磁賜湯沐飛將軍是人中雄須臾角罷兩童起
負者蹙眉羸者喜呼童來前聽我言自古興衰

樂善堂集卷之三
皆若此楚漢雌雄迹已陳三家鼎峙徒紛紛將
軍汗馬功難並鐘鼎勒字生埃塵獨不見開元
天子宮內宴玉妃小賭昭陽殿金籠不啻十家
產萬金之資費一旦又不見咸淳丞相半閒堂
翠盆香褥臨秋張但愛山河鬪蠻觸那知六載
圍樊襄由來此物亦有時榮華昔日今安之浮
生誤落汝童手驅之陣戰焉能辭一朝偶敗非

得已應看再戰出新奇聆我此言氣始釋梧桐
月上天將夕匡牀靜倚未曾眠更聽盆中鳴唧
唧

秋清

爽氣侵尋透紗牖秋光滿眼西風後葛衣脫却
換羅衣團扇高懸杯在手瀹茗茶煙颺竹梢敲
詩月下周旋久

八公山

金戈業業金鞭脩欲投
長江斷巨流東山謝傅
還招客料勝全憑一局奕
百萬臨淝退難止戰
鼓千槌聲不起踉蹌遙望八公山
灰燼雄圖今已矣
鶴唳風聲黯前路彷彿三周華
不注夜臺羞見王武侯
生歸空被垂葦誤

題唐岱重溪煙靄便面

山容邈迤開屏障前溪後溪遙相望
雨餘煙靄濕未乾流雲不捲青天上
溪流宛轉抱花源茆舍幾間面青嶂
板橋架波通徑窄梵宮結構層巒壯
山水與我有宿緣每遇佳景輒歡暢
名山萬里未曾遊對圖逸想那能忘
唐生當今稱妙筆知我心胸愛清曠
晴窓爲我圖便面潑墨淋漓傳景狀
千重林麓抹蒼翠一片煙雲作供養

遠峰近態無不兼樵路疑聞牧童唱莫辭復爲
一拈毫添個輕舟雙槳盪

讀白樂天集

元白夙齊名並號能詩者後來趨向殊品格別
高下以此評其詩我愛香山社况復無繩削體
裁極閑雅吟咏攄性靈後人繼者寡弗弗紗牖
風炎炎朱明夏把玩不能置博山香細炷

擬柳子厚始得西山宴遊詩

佳境天所儲常以供幽客我得遊西山追蹤謝
公屐高峰插天漢嵌空疊翠碧其下森萬山朝
拱歸一脈古磴長奇葩靈扃多仙跡得意亦何
有會心聊自適盤桓撫長松清風生野席

相馬吟

知人固非易知己良獨難譬彼駕鹽車太行阻

且阮惜哉騏驥良徒共駑駘餐一朝遇伯樂三
鳴感多端秣甘飲清水飾之錦繡鞍西極崑崙
墟東窮渤海漫追風四蹄輕飄飄如羽翰聊藉
酬知音不顧汗血殫伯樂不世出騏驥空自殘
誰憐伏櫪者執策一長嘆

猛虎行

東山無虎獸跡多西山有虎獸跡少白日繞林

鳥雀驚耿耿後逐三子小秋風獵獵原野平饑
腸未飽山中行鹿兒被獲供大嚼老鹿長逃不
敢鳴將軍笑撚鐵絲箭不射虎腰射虎面可憐
三子亦被擒穿裏同來入虎圈虎圈晨開鐵作
門聊憑一息定驚魂乞生也向人垂首昔日威
風今何有

擬桃花源中人送漁郎出源

日長山靜春歸早千樹霞綃纈林表無賴東風
吹落英沿溪爲引漁郎道晉代銅駝荆棘中秦
家宮闕埋煙草何緣幾日共盤桓翻知多少紛
爭擾君有家鄉君自歸來路去路兩杳渺送君
還復閉洞天洞裏花香春浩浩

擬漁人復至桃花源不復得路

憶昔入桃源萬古仙家趣桑麻滿平疇緋英纈

千樹惜我羈世網未能驟雲霧洞口執手別殷
勤頻屬付重來問仙源歷歷想前度雲水兩渺
茫欲涉迷故路歸來日已西租吏守門戶烹雞
送租吏自愧初心誤

聽鶴鳴

白雲捲遙天澄潦收寒瀨入秋詩思清吟望中
心快何來警露音清越振林外在陰無子和孤

鳴何幽介是時田間雀喙啄羣喧噉兒童驅不起雜沓殊無賴忽聽九臯鳴清耳如梵貝會心豈在遠霜風度天籟

別菊

舊年秋菊根移植階砌下栽培青帝春灌溉朱明夏積此三時勤開花娛清暇瘦枝濕玉露綠萼放寒夜酌酒酬女夷神功須少借繁英續續

開莫令隨風謝

得良弓

商飈拂射圃晶日輝東堂叩門誰氏子手持駢角良不惜善價售取以臨秋張脈理正且和筋膠固以強越棘方在橐好鳥亦在場設非逢門子何以異糜桑

負暄

雙書堂全集 卷三
時雞三五號朔風動簾幙乍驚殘夢醒早起坐
東閣扶桑上初日光射葳蕤鑰曉氣侵體寒自
覺衣裳薄愛此朝暾暖炙背殊足樂天上黃棉
襖稱身欣可著有頃手足舒曠懷笑東郭衰眉
何必分微忱猶欲託

芸香

青油隔子屏風曲青簡續紛三萬軸屈戍不閉

午風涼吹送芸香香馥郁都梁五木不須焚芝
印未結飄幽芬老蠹辭家墮雙淚坐失書屋三
千春可惜三仙未餐罷避舍有似雲中下

野燒

秋山草枯風勢橫牧兒失火燒野平夜半千峯
光燭宿震聳鳥獸牛羊驚乍如田單縱火牛一
時連下七十城又如周郎馭風伯赤壁子夜揚

樂善堂全集卷三
甲兵陽官火部俱努力
凹谷凸巘標赤旌
陸渾山火我未見
曾從丁部聞餘聲
作詩鄙劣慚韓子
聊紀所見客共賡

題佟毓秀山水

山水十八家
雲林特高妙
淡著筆墨痕
自造虛無竅
豈乏傳火人
規撫僅形肖
斯人乃入室
健筆寫孤峭
參天兩老松
黛色映斜照
草亭對大

川曠遠足清眺
蕭齋張白晝
靜賞供淵調
欲招舟子來
去弄任公釣

靜夜吟

宮城漏響人聲悄
皓魄當空衆星繞
寒光穿漏棊几明
暗襲盆梅香
不了屈戌關
風雙扇齊繡屏
十二深窈窕
此時別有會心人
詩思微吟達清曉

松鶴圖爲五弟壽日作

條風吹戶明窓暖淨凡生光不用澣平鋪東絹
試寫生著色水紅瑪瑙盃孤羣瘦骨步階庭幾
株鐵榦纏霜藤松鶴成圖良有意願君眉壽與
作朋

冬夜食魚

北方候冷堅冰早安得鯉魚出澗沼聞有漁兒

不怕寒鑿冰照火尋深杳賺將鱗鬣脫潛淵隨
其所欲取多少持售街頭多賸錢明朝又去河
邊了吁嗟乎狡兔三窟不爲癡從來尾大最難
掉猛虎失林猶喪氣精珠離蚌非爲寶城狐社
鼠却全生蜀王化血啼鵲惱鷓鴣萬里能變化
爾魚涸轍生原眇趣熱向明白速辜甘爲菹醢
供人飽是時霜風窓外掃地爐獸炭通紅好鹽

梅薑芥各烹調堆列盤餐不用藜重輪轉罷腹
果然得意何殊魚在藻君不見坡翁曾作冬筍
詩長歌一曲非潦例

樂善堂全集卷二十二

